


Tá Mamó agus Daideo ag teacht ar cuairt. Iarrann Mamáí ar Shéamas a sheomra a ghlanadh. Cuirfeann sé chuige le fonn ach bíonn air áit foláigh a aimsiú go tapa do roinnt cairde leis. Ní tñabharfadh Mamó ná Daideo rud ar bith faoi deara...

Leabhar eile le hÁine Ní Ghlinn atá dírithe orthu siúd atá tosaíche ar an léitheoireacht neamhspleách.



Glanatachán Barráigh

Áine Ní Ghlinn

Glanatachán Barráigh

Áine Ní Ghlinn



ISBN 1-85791-464-3



An G

© Foras na Gaeilge, 2003

ISBN 1-85791-464-3

Gach ceart ar cosaint. Ní ceadmhach aon chuid den fhóilsceachán seo a atáirgeadh, a chur i gcomhad athfála, ná a tharchur ar aon mhodh ná slí, bíodh sin leictreonach, meicniúil, bunaithe ar fhóichóipeáil, ar thaitheadadh nó eile, gan cead a fháil roimh ré ón bhtoisitheoir.

Criterion Press Teo. a chlóbhuail in Éirinn

Le fáil ar an bpost uathu seo:

nó
An Siopa Leabhar,

6 Sráid Fhearchair,

Baile Átha Cliath 2.

ansiopadeabhar@eircom.net

An Ceathrú Póilí,

Cultúrtaí Mac Adam-Ó Fiaich,

216 Bóthar na bhFál,

Béal Fersie BT12 6AH.

acpoili@mail.portland.co.uk

Ordúithe ó leabharthíoltóirí cluig:


Áis,

31 Sráid na bhFífiníní,

Baile Átha Cliath 2.

eolas@forasnaeaeilge.ie

An Gúm, 24-27 Sráid Fhreidric Thuaidh, Baile Átha Cliath 1






‘Ach ghlán mé mo sheomra seachtain
ó shin!’

‘Bhuel, glán arís é!’

‘Ach ...’ arsa Séamas.

‘Ná bac le “ach”!’ arsa Mamáí.

‘Beidh Mamó agus Daideo anseo
go luath! Tá Daidí imithe go dtí an
stáisiún cheana féin chun iad a bhailiú.’



D'fhéach Séamas uirthi agus imní
ina dhá shúil.

'Ach ní ... ní bheidh siad ina
gcdlath i mo sheomrasa ... an
mbeidh?'

'Ní bheidh. Codlóidh siad sa seomra
againne agus codlóidh mé féin agus do
Dhaidí sa seomra breise.'

'Bhuel, cén fáth a gcaithfidh mise
mo sheomrasa a ghlanadh, mar sin?'

D'fhéach Mamáí go géar air.

'Mar go bhfuil sé lofa!'

'Níl sé lofa!'

Bhí Mamáí ag éirí tuirseach den
argóint.


'Éist,' a dúirt sí, 'tá do sheomra lofa.
Tá boladh bréan as. Tá salachar faoin
leaba agus táimse ag rá leat é
a ghlanadh. ANOIS!'

‘Maith go leor,’ arsa Séamas.
‘Glanfaidh mé mo sheomra. Ach
níl aon rud salach faoi mo leaba.
Níl ann ach rudaí a theastaigh uaim
a choimeád.’

Bhí Úna, deirfiúr Shéamais, ag
éisteacht leis an gcomhrá seo ar fad.
Phléasc sí amach ag gáire.

‘Rudaí a theastaigh uait a choimeád!’
ar sise. ‘Seal! Stocaí peile nach bhfaca
gallúnach ná uisce le trí mhí! Agus
feithidí ón ngairdín!’

Bhí Séamas ar a bhealach suas an
staighre faoin am seo agus smuile air.
‘I do shrón féin atá an boladh lofa!’
a dúirt sé lena dheirfiúr.



‘Éirígí as an argóint!’ arsa Mamáí
leis an mbeirt acu. ‘Suas leat, a
Shéamais agus glan do sheomra.

Agus a Úna, is féidir leatsa tosú ar an
seomra suí! Má dhéanann an bheirt
agaibh jab maith beidh rud éigin deas
againn don lón!’


‘Sceallóga?’

‘B’fhéidir é.’

‘Uachtar reoite?’

‘B’fhéidir – ach mura dtosaíonn sibh
ar an obair láithreach ...’

Ní bhfuair Mamáí deis an abairt
a chríochnú. Faoin am a bhí an méid
sin ráite aici, bhí Úna istigh faoin
staighre agus an folúsghlantóir á
tharraingt amach aici. Bhí Séamas
thuas staighre ina sheomra agus é
ag breathnú thart.





‘Ní fheicim aon salachar anseo!’ ar seisean leis féin.

Bhuel, is dócha go bhféadfadh an chuilt ní b’fhearr dá mbeadh sí ar an leaba... Ach céard faoin gcampa iontach a bhí á dhéanamh aige sa chúinne? Bheadh deireadh leis sin dá gcuirfeadh sé an chuilt ar ais ar an leaba.

Chuimhnigh sé ansin ar an lón a bhí geallta ag Mamai dó. Bhí sé cinnte go ndéanfaidh sí sceallóga. Agus uachtar reoite ina dhiaidh sin! Nó barra seacláide b’fheidir ...

Is dócha go bhféadfadh sé campa eile a dhéanamh nuair a bheadh Mamó agus Daideo imithe abhaile.






Thosaigh Séamas ag obair. An leaba ar dtús. Chóirigh sé an bhrailín. Shocraigh sé an piliúr i gceart ag barr na leapa. D'fhéach sé ar an gcampa ansin. Dhá chathaoir a bhí ann agus an chuilt crochta idir an dá cheann.



Isteach leis faoin gcuilt. D'fhéach sé ar na bréagáin go léir a bhí istigh sa champa aige ... casúr, tua bheag, clocha ildaite, carranna, cleití agus go leor leor eile. Cén dochar a dhéanfaidh sé dá gcaithfeadh sé cúig nóiméad eile ag spraoi ...?



Go tobann bhíog an tIndiach Rua.
Bhí guth éigin le cloisteáil i bhfad
i gcéin. D'fhéach sé ar a uaireadóir.
Bhí leathuair an chloig imithe! Amach
leis as an gcampa.

'Ó, a thiarcais!'

Tharraing sé na cleití amach as
a chuid gruaige. Leag sé an tua as
a lámh. Rith sé amach an doras.

'Sea, a Mhamáí! Tá mé beagnach
réidh.'

'Tá súil agam go bhfuil,' arsa
Mamaí. 'Beidh mé chugat i gceann
deich nóiméad le do sheomra a
sheiceáil.'




Deich nóiméad! Tharraing Séamas an campa indiach i dtreo na leapa.

Chait sé in airde ar an leaba é.

D'fhéach sé faoin leaba ansin. Bhí roinnt mhaith rudaí ann ceart go leor. Ach rudaí luachmhara a bhí iontu.

Agus cúpla peata a bhí bailithe aige sa ghairdín.

Tharraing sé amach teach beag ar dtús. Bosca bróg a bhí ann agus poill bheaga déanta ann ionas go mbeadh go leor aeir ag Feirdia.



Frog ba ea Feirdia a mbíodh cónaí air ag bun an ghairdín go dtí gur shocraigh Séamas go dtabharfadh seisean aire dó. Bhí boladh aisteach ón mbosca inniu, áfach. D'oscail Séamas é. Bhí Feirdia ina lú ansin gan gíog as, a chraiceann glas éirithe chomh tirim le páipéar.

'Ó, a thiarcais,' arsa Séamas. 'Rinne mé dearmad tú a chur isteach san fholcadán ar maidin.'

Bhí sé ró-dhéanach anois.


Dhún Séamas an bosca arís agus d'fhág sé i leataobh é. Tharraing sé chuige bosca eile. Bhí luch bheag ramhar sa bhosca seo. Bhí sise fós beo beathach – a súile beaga ag breathnú go faiteach agus go hocrach ar Shéamas.


'Ná bí buartha,' arsa Séamas. 'Gheobhaidh mé bia duit anois. Tá mé cinnte gur fhág mé leathcheapaire anseo an lá cheana.'

Thosaigh Séamas ag tarraingt amach gach rud a bhí faoin leaba.

Bhí ispín ann agus craiceann banana. Bhí geansaí peile ann ... agus bhí an ceart ag Úna faoi na stocaí.

Faoin leaba a bhí siad ceart go leor. Ach ní raibh an boladh chomh dona sin, dar leis!





Bhí leabhair ann agus éadaí eile

– agus bróga reatha nach raibh feicthe aige le cúpla mí. Bhí Séamas an-sásta iad sin a fháil.

Faoi dheireadh d'aimsigh sé an leathcheapaire. Chuir sé isteach sa bhosca in aice leis an luch é. Bholaigh an luch é ach ba léir go raibh sí amhrasach faoi. Chuir Séamas an t-ispín isteach sa bhosca freisin. Bholaigh an luch é sin freisin agus thosaigh á ithe.

Go tobann chuala sé glór Mhamaí arís.

'An bhfuil tú réidh fós, a Shéamais? Beidh mé chugat i gceann trí nóiméad.'

D'fhéach Séamas thart. Bhí an seomra fós ina chiseach.

'Beagnach réidh, a Mhamaí,' ar seisean.

'Bhuel, déan deifir anois, a stór,' arsa Mammaí. 'Tá Daidí tar éis glaach ón stáisiún. Ní fada go mbeidh siad anseo.'



Rith Séamas anonn go dtí an áit ina mbíodh an campa. D'fhéach sé ar na bréagáin ar fad. Cá gcuirfeadh sé iad? Rith sé anonn go dtí an vardrús. D'oscail sé an doras. Bhí spás thíos faoi na héadaí. Ar ais leis go dtí cúinne na campála. Bhailigh sé na bréagáin ar fad le chéile agus chaith isteach sa vardrús iad.

Sheas sé siar.

'Cúinne amháin breá glan anois,' ar seisean leis féin. 'Anois – cúinne na leapa!'

D'fhéach sé ar Fheirdia Frog ar dtús. Bhí boladh bréan ón mbosca. Chaithfeadh sé sin dul isteach sa bhosca bruscair. Ach céard faoi Fheirdia. Chaithfeadh Séamas sochraid cheart a thabhairt dó agus é a chur sa ghairdín nuair a bheadh Marnó agus Daideo imithe abhaile. Idir an dá linn, áfach, chaithfeadh sé áit shábháilte a aimsiú dó.


Bhreathnaigh sé faoina leaba féin.
Cinnte d'fheicfeadh Mamaí ansin é.
D'oscail sé an vardrús. Bhí air an doras
a dhúnadh arís go tapa, áfach, ar eagla
go dtosódh na bréagáin ar fad ag titim
amach ar an urlár.

Ansin chonaic Séamas na stocaí
peile ar an urlár. Bheadh Feirdia
sábháilte i gceann acu sin, ceart go leor
... go háirithe dá mbeadh craiceann
an bhanana sin thart timpeall air.
Choinneodh craiceann an bhanana
an boladh istigh.

D'fhill Séamas Feirdia go cúramach
i gcráiceann an bhanana agus chuir sé
isteach sa stoca é.

Ar ais leis ansin go dtí an bosca ina
raibh an luch. Ba léir nach raibh aon
spéis ag an luch sa leathcheapaire.
Chuir Séamas an leathcheapaire isteach
sa stoca.

'Ar eagla go mbíonn ocras ar na
mairbh,' ar seisean leis féin.



Fós, áfach, chaitheadh sé áit shábháilte a aimsiú don stoca ina raibh Feirdia. Ní raibh áit ar bith sábháilte ina sheomra féin.

D'fhéadfadh Mammaí breathnú áit ar bith nuair a bheadh an seomra á sheiceáil aici.

Amach leis go dtí an seomra breise. D'fhéach sé faoin leaba. Bheadh Mammaí agus Daidí ina gcodladh ansin. B'fheidir go mbreathnóidís faoin leaba.

Bhuail smaoinreamh iontach é ansin. Bheadh Mammó agus Daideo ina gcodladh i seomra Mhamaí agus Daidí. Bhí siadsan an-sean. Ní bheidís in ann cromadh síos chun breathnú faoin leaba.


Isteach leis i seomra Mhamaí agus Daidí. Bheadh Feirdia slán sábháilte ansin agus an stoca mar chónra aige.



D'fhéach sé faoin leaba. Bhí bróga agus slipéir ann. B'fhéidir go dtiocfadh Daidí isteach chun a chuid slipéar a fháil.

Bhuail smaoinreamh eile Séamas ansin. D'ardaigh sé an tocht agus chuir sé an stoca peile isteach faoi.

Amach leis go dtí a sheomra féin arís agus é breá sásta leis féin. Bhailigh sé na héadaí eile a bhí ar an urlár. Bheadh Mamaí an-sásta na bróga reatha sin a fheiceáil. Thug sé amach go dtí barr an staighre iad.



Ní raibh fágtha ansin ach an luch.
Ar ais leis go dtí an bosca. Chaitheadh
sé í a chur amach sa ghairdín arís. Ach
nuair a d'ardaigh Séamas an bosca thug
sé faoi deara go raibh sé an-éadrom.
D'ardaigh sé an clúdach. Ní raibh
fágtha sa bhosca ach giota beag d'ispín.
'Ó, a thiarcais!' arsa Séamas. 'Cá
háit a bhfuil sí?'



Chuardaigh sé faoin leaba í.
Chuardaigh sé seomra Mhamaí agus
Daidí. Chuardaigh sé an seomra breise.
Ag an bpointe sin chuala sé Mammaí
ag teacht aníos an staighre.
'Táim ag teacht anois,' arsa Mammaí,
'agus tá na sceallóga ullamh.'



Rith Séamas isteach ina sheomra
féin arís. Is ann a bhí sé nuair a
d'oscail Mamai an doras.

D'fhéach sí thart.

'Bhuel, nach iontach an buachaill
thú,' ar sise. 'Tá obair iontach déanta
agat anseo. Síos leat anois agus bíodh
do chuid sceallóg agat.'

'Agus uachtar reoite?'

'Sea, beidh uachtar reoite againn tar
éis an lóin,' arsa Mamai. 'Tá sé tuillte
go maith agat.'

Bhí Séamas an-sásta ar fad.

Amach leo beirt as an seomra.
Fós bhí na héadaí salacha ag barr an
staighre.

‘Céard a dhéanfaidh mé leo seo, a
Mhamá?’ arsa Séamas.

‘Cuir isteach sa chiseán níocháin
iad,’ arsa Mamá, ‘agus nífimid ar ball
iad.’

‘Agus na bróga reatha seo?’

‘Is dócha gur chóir dúinn iad sin a
ní chomh maith. Cuir sa chiseán iad
freisin – ach bí cinnte go dtugann tú an
ciseán síos staighre. Ná fág na héadaí
salacha sin sa seomra ina mbeidh
do Dhaideo agus do Mhamó ina
gcodladh!’





Chuir Séamas na héadaí agus na
bróga isteach sa chiseán. Ach díreach
ag an bpointe sin chua la sé carr Dhaidí
sa chlós. Rith sé síos an staighre
láithreach chun fáilte a chur roimh
Mhamó agus roimh Dhaideo. Ní
dhearna sé an dara smaoineamh faoin
gciseán níocháin ná faoin luch chaillte
ná faoi Fheirdia marbh ...

... go dtí an mhaidin dár gcionn.
Guth Mhamó a chua la sé ar dtús.
'Tá brón orm a bheith ag cur isteach
oraibh ach níor chodlaíomar néal leis
an mboladh sin. Caithfidh go bhfuil
rud éigin marbh faoin urlár.'





‘B’fhéidir go bhfuil rud éigin lofa sa chiseán níos áin sin,’ arsa guth Mhamaí. ‘Dúirt mé le Séamas a chuid éadaí salacha a chaitheamh isteach ann agus é a thabhairt síos staighre.’

‘B’fhéidir gurb é seo é,’ arsa Daidí, a bhí tar éis an tocht a ardú. Bhí stoca peile ina lámh aige agus rud éigin buíghlas ag síleadh as.

Ach níor chuala Mammaí é. Bhí sise róghafa leis an rud a bhí aimsithe aici féin. Bróg reatha Shéamais a bhí ann agus rud bog liath istigh ann.

‘Pé rud atá anseo, tá sé nó sí beo,’ arsa Mammaí agus crith ina glóir!

Thóg Daideo an bhróg uaiti.

Bhreathnaigh sé go géar air.

‘Ní rud atá ann,’ ar seisean,
‘ach rudaí! Tá luch tar éis nead a
dhéanamh dá cuid báibíní sa bhróg
seo! Tabharfaidh mise amach go dtí an
gairdín iad láithreach.

‘Ach,’ arsa Mamaí, ‘cad as ar tháinig
an luch sin!’



‘Agus é seo,’ arsa Daidí agus é ag
breathnú ar an stoca lofa.

‘D’fhéach Mamaí agus Daidí ar
a chéile. Amach leo go dtí seomra
Shéamais.

‘A Shéamais!’

Ach ní raibh Séamas le feiceáil áit ar
bith.



I bhfolach faoina leaba féin a bhí sé
gan gíog ná míog as ... É chomh ciúin
le ... le ...

Bhuel, is dócha go bhféadfá a rá
go raibh sé chomh ciúin le lucht!



www.filfix.ie

198mm